

## **Programa municipal de conciliación de Verán 2022**

O Departamento de Educación do concello de Santiago ten previsto a realización dun programa de conciliación laboral e familiar no período das vacacións de verán. Este programa comprende un conxunto de actividades, a desenvolver en instalacións dos CEIP Quiroga Palacios e Monte dos Postes, destinadas á poboación escolarizada en educación Infantil e Primaria do municipio de Santiago.

Este programa concíbese como un espazo educativo, de promoción do ocio e o tempo de lecer, ademais dun recurso para a conciliación familiar e laboral no tempo de vacacións.

### **1.- CARACTERÍSTICAS DO PROGRAMA:**

#### **Obxectivo xeral**

Favorecer a conciliación da vida familiar e laboral, ofrecendo aos nenos e nenas unha alternativa de lecer e tempo libre, desenvolvendo valores de cooperación, respecto e tolerancia.

#### **Obxectivos específicos**

- Promover actividades que favorezan o desenvolvemento da creatividade dos participantes.
- Desenvolver a autonomía persoal e a intelixencia emocional dos participantes.
- Dar a coñecer diferentes actividades lúdicas de ocio e tempo libre.
- Fomentar o gusto pola lectura.
- Promover actividades que favorezan a relación entre iguais e a colaboración.
- Fomentar os valores de compañeirismo e a tolerancia a través de actividades de traballo en equipo.

#### **Tipo de actividades**

No programa combinaranse actividades lúdicas, deportivas, xogos e obradoiros.

#### **Prezo**

O Concello consciente da actual crise sanitaria cunha repercusión na situación económica das familias decidiu, nesta ocasión, ofertar o programa municipal de conciliación de verán 2022 **con carácter gratuíto para as persoas participantes**.

**Destinatarios:** Nenos e nenas empadroados o Concello de Santiago de Compostela ou que cursen estudos en centros de educación infantil e primaria de Santiago de Compostela, entre o 2º Ciclo de Educación Infantil e o 3º Ciclo de Educación Primaria (ambos os dous inclusive) con idades comprendidas entre os 3 e os 12 anos.

As persoas que teñan unha discapacidade igual ou superior ao 33% poderán participar nesta convocatoria cumprindo os seguintes requisitos:

- Facer constar a súa condición na epígrafe que figura no impreso de solicitude.
- Que no certificado de recoñecemento de discapacidade non se recolla a necesidade de axuda de terceira persoa.
- Ter capacidade de integración nun grupo e que as súas limitacións e/ou necesidades especiais lles permitan participar e beneficiarse das actividades que se van a desenvolver.

**Datas de realización e modalidades de participación:** O programa de conciliación realizarase no período de vacacións de verán 2022: mes de xuño (días 23, 27, 28, 29, 30), mes de xullo (agás sábados, domingos e festivos), mes de agosto (agás sábados, domingos e festivos) e setembro (días 1, 2, 5, 6, 7, 8, 9).

As persoas usuarias poderán escoller de entre as seguintes quendas:

QUENDAS	DATAS	TOTAL DÍAS
1ª QUENDA	Do 23 de xuño ao 1 de xullo do 2022 (23, 27, 28, 29, 30 e 1).	6
2ª QUENDA	Do 4 ao 15 de xullo do 2022 (4, 5, 6, 7, 8, 11, 12, 13, 14, 15).	10
3ª QUENDA	Do 18 ao 29 de xullo do 2022 (18, 19, 20, 21, 22, 26, 27, 28, 29).	9
4ª QUENDA	Do 1 de agosto ao 12 de agosto do 2022 (1, 2, 3, 4, 5, 8, 9, 10, 11, 12).	10
5ª QUENDA	Do 17 ao 31 de agosto do 2022 (17, 18, 19, 22, 23, 24, 25, 26, 29, 30, 31).	11
6ª QUENDA	Do 1 ao 9 de setembro do 2022 (1, 2, 5, 6, 7, 8, 9 **).	7 aprox

(\*\*) dependendo do inicio do curso escolar 2022-23

### Modalidade de participación

Mediante a presentación da solicitude (debendo escoller quenda e sinalar a orde de preferencia).

### Horarios e servizos

O programa inclúe a realización de actividades e obradoiros de 9 a 14 horas, ademais de poñer a disposición dos nenos e nenas participantes un servizo de madrugadores con almorzo (de 7,45 a 9,00 horas) e de comedor (de 14,00 a 16,00 horas).

### Modalidades e horarios

SERVIZO	HORARIOS
Modalidade completa (madrugadores con almorzo, comedor e actividades)	De 7,45 ás 16,00 h
Modalidade madrugadores con almorzo e actividades	De 7,45 ás 14,00 h.
Modalidade comedor e actividades	De 9,00 ás 16,00 h.
Modalidade só actividades	De 9,00 ás 14,00 h.

### Secuencia horaria

7:45 - 9:00 h.	Madrugadores con almorzo. Actividades lúdicas e grupais.
9:00 - 9:30 h.	Recepción participantes.
9:30 - 11:00 h.	Obradoiros artísticos, plásticos, saídas e xogos grupais.
11:00 - 11:30 h	Descanso.
11:30 - 13:30 h.	Obradoiros artísticos, plásticos, saídas e xogos grupais.
13:30 - 14:00 h.	Recollida e despedida.
14:00 - 16:00 h.	Comedor

### Prazas ofertadas

Quendas	Nº días actividade	Oferta de prazas para obradoiros e actividades	Oferta de prazas para almorzo	Oferta de prazas para xantar
1 quenda: do 23/06 ao 1/07	6	180	90	90
2 quenda: do 4 ao 15/07	10	180	90	90
3 quenda: do 18 ao 29/07	9	180	90	90
4 quenda: do 1 ao 12/08	10	120	60	60
5 quenda: do 17 ao 31/08	11	120	60	60
6 quenda: do 1 ao 9/09	7	180	90	90

Destas prazas, reservaranse 12 por quenda para nenos e nenas con informe do Departamento de Servizos Sociais do Concello de Santiago de Compostela e terán carácter de acceso directo ao programa.

### 2.- SOLICITUDE DE PARTICIPACIÓN NO PROGRAMA

- Abrirase un prazo de solicitude de inscrición entre os días **1 e 8 de xuño de 2022** (ambos os dous inclusive). Se unha vez rematado o prazo quedan prazas libres nalgunha quenda, poderán presentarse solicitudes que se irán adjudicando por orde de entrada no Rexistro.
- As solicitudes presentaranse segundo modelo normalizado ben por medios electrónicos ou de xeito presencial, no Rexistro xeral do Concello de Santiago (Rúa Presidente Salvador Allende 4, Galeras) ou mediante calquera das formas previstas no artigo 16.4 da Lei 39/2015 do 1 de outubro, de procedemento administrativo común das administracións públicas.
- O Departamento de Educación do Concello de Santiago facilitará os correspondentes impresos de solicitude do programa e publicará a lista de admitidos e, no seu caso, excluídos e listas de agarda, na páxina web do concello de Santiago de Compostela [www.santiagodecompostela.gal](http://www.santiagodecompostela.gal)
- No caso de existir máis demanda que prazas ofertadas nalgunha quenda realizarase un sorteo público, que consistirá na introdución de tantas bolas nun bombo como solicitantes desa quenda (agás os nenos e nenas con informe de Servizos Sociais). Elaborarase unha listaxe numerada por quenda atribuíndo a cada solicitante un número nese listado.

Sacarase unha bola ao azar quedando automaticamente inscritos o número extraído e os sucesivos da listaxe ata completar o número total de prazas. O resto pasará a formar parte dunha listaxe de agarda.

O sorteo, de producirse, será anunciado na páxina web do concello.

As prazas destinadas aos participantes con informe do Departamento de Servizos Sociais terán o carácter de acceso directo ao programa.

- Os solicitantes deberán estar empadroados no concello de Santiago (que se comprobará de oficio polo concello de Santiago), ou estar matriculados nun centro educativo do municipio de Santiago (neste caso deberán achegar certificación expedida polo centro onde estuda, indicando nome e apelidos do neno/a matriculado e curso).

- Será motivo de exclusión non cumprir os requisitos do programa, non entregar a documentación solicitada, non estar empadroado en Santiago ou escolarizado nun centro educativo do municipio de Santiago.
- As persoas participantes adquiren o compromiso de asistir diariamente á quenda solicitada e nos horarios establecidos. A organización do Servizo resérvase a toma das medidas oportunas diante da falta de asistencia inustificada de máis de tres días por quenda.

### **3.- DOCUMENTACIÓN A PRESENTAR:**

- Ficha de solicitude ED010, cuberta e asinada.
- Fotocopia do documento que acredite a identidade do pai, nai ou representante legal.
- Acreditación da representación, se procede (marcar no Anexo 1 os documentos achegados).
- Fotocopia cartilla sanitaria ou da compañía aseguradora, do neno/a.
- Acreditación de recoñecemento da discapacidade do neno/a, se é o caso.
- Certificado do centro educativo no que está matriculado o neno/a no caso de non estar empadroado no concello de Santiago e Compostela.

### **4.- MÁIS INFORMACIÓN:**

Concello de Santiago. Departamento de Educación  
Edificio CERSIA. Rúa do Alcalde Raimundo López Pol, s/n. San Lázaro  
Tfnos.: 981 554 400/401  
[dptoeducacion@santiagodecompostela.gal](mailto:dptoeducacion@santiagodecompostela.gal); [www.santiagodecompostela.gal](http://www.santiagodecompostela.gal)